



COÑECIMENTO DO CONTORNO

“COÑECE O TEU CONCELLO”

ITINERARIOS DIDÁCTICOS POLA
CASA CONSISTORIAL

CONTIDOS

A actividade consistirá nun itinerario didáctico que tratará de acercar o Concello aos centros educativos. Percorreranse distintas oficinas e salas da Casa Consistorial rematando a visita no salón de plenos, onde o alumnado será recepcionado por unha representante do goberno municipal, á cal lle poderán fazer todas as preguntas e propostas que consideren oportunas. Proxectarase un vídeo didáctico adaptado a cada nivel educativo: “A abella Nara, un conto para coñecer o Concello” (EI) e “Coñecer Narón” (EP).

As visitas con alumnado de educación infantil faranse de maneira teatralizada coa presencia da abella Nara e un explorador que acompañarán durante o itinerario.

A visita contará con material de apoio: puzzle Narón en mapas 2.0 consistente en puzzle de madeira e xogo magnético para coñecemento do territorio.

OBXECTIVOS

- ★ Dar a coñecer a Casa Consistorial e os diferentes servizos que ofrece á cidadanía.
- ★ Comprender como funciona o Concello e por quen está composto o Goberno municipal.
- ★ Achegar ao alumnado información dos trámites e xestións que poden realizar, quen traballa nos diferentes servizos, e cal é a historia do noso concello.

PERSOAS DESTINATARIAS : 6º educación infantil (5 anos) e 6º EP.



Nº MÁXIMO DE PERSOAS PARTICIPANTES: un grupo/aula por visita

DATAS DE EXECUCIÓN: de outubro a decembro

DURACIÓN: 1h e 30 minutos aproximadamente.

LUGAR DE REALIZACIÓN: Casa Consistorial de Narón

VISITA Á BLIOTECA MUNICIPAL + AXENCIA DE LECTURA DA
GÁNDARA

CONTIDOS

Visita combinada aos dous locais onde se lle amosará ao alumnado as instalacións e se lle explicará todos os servizos que se prestan.

Desenvolvemento:

09:15 Recollida do autobús no centro escolar.

09:30 Chegada á Axencia de Lectura Municipal da Gándara.

09:30-10:00 Visita guiada á Axencia de Lectura Municipal da Gándara para que os nenos/as coñezan e utilicen este recurso.

10:00-10:15 Traslado da Axencia de Lectura á Biblioteca central.

10:15-11:15 Visita guiada pola sección infantil e bebeteca da biblioteca (planta soto).

- ★ Explicárselle aos nenos e nenas como está organizada a sección, como poden facer o carné da biblioteca e cales son os recursos que poden atopar.
- ★ Daráselles información sobre as actividades infantís que estean programadas para o seguinte mes.
- ★ Entregaráselles un díptico coa información básica para que a coñezan as familias.
- ★ Participarán nunha actividade de dinamización que este ano terá como protagonista o medio ambiente.



11:30 Recollida do alumnado na biblioteca.

11: 45 Chegada de volta ao centro escolar.

OBXECTIVOS

- ★ Achegar aos centros educativos o coñecemento da biblioteca, os seus recursos, servizos e instalacións.
- ★ Fomentar no alumnado a curiosidade polo mundo dos libros e a lectura.

PERSOAS DESTINATARIAS : educación primaria

Nº MÁXIMO DE PERSOAS PARTICIPANTES: un grupo/aula por visita

DATAS DE EXECUCIÓN: de novembro a maio

DURACIÓN: dúas horas e media aproximadamente dende a recollida no centro ata a chegada de volta.

LUGAR DE REALIZACIÓN: Biblioteca Pública Municipal de Narón e Axencia de Lectura Municipal da Gándara.

NECESIDADES DE ORGANIZACIÓN:

Dentro do posible non se programarán máis de dúas visitas escolares na mesma semana.





VISITA Á BIBLIOTECA MUNICIPAL + AXENCIA DE LECTURA DA GÁNDARA

CONTIDOS

Visita combinada aos dous locais onde se lle amosará ao alumnado as instalacións e se lle explicará todos os servizos que se prestan.

Desenvolvemento:

08:45 Recollida do autobús no centro escolar.

09:00 Chegada á Biblioteca Pública Municipal.

09:00-10:00 Visita guiada á biblioteca. Unha traballadora da biblioteca recibirá o grupo visitante e encargarase de acompañalo polas catro plantas da biblioteca explicándolle en cada sección as tarefas que se realizan e os servizos dos que poden facer uso.

- ★ Planta soto: sección infantil e bebeteca. Sala de exposicións e actividades.
- ★ Planta baixa: hemeroteca (prensa e revistas), sección de información e referencia, sección de audiovisuais.
- ★ Primeira planta: sección de adultos (narrativa, poesía, teatro, biografía, cómic), arquivo de depósito de libros.
- ★ Segunda planta: sección de adultos (materias), seminarios, sala de usos múltiples, sala de informática.

10:15 Traslado do grupo da Biblioteca central á Axencia de Lectura Municipal da Gándara.

10:30 Chegada á Axencia de Lectura Municipal da Gándara

10:30-11:00 Visita guiada pola Axencia de Lectura Municipal da Gándara para que os mozos e mozas coñezan en empreguen este dispositivo.

11:15 Recollida do grupo na Axencia de Lectura da Gándara

11:30 Chegada de volta aos centros.



OBXECTIVOS

- ★ Achegar aos centros educativos o coñecemento da biblioteca, os seus recursos, servizos e instalacións.
- ★ Fomentar no alumnado a curiosidade polo mundo dos libros e a lectura.

PERSOAS DESTINATARIAS : 1º da ESO

Nº MÁXIMO DE PERSOAS PARTICIPANTES: un grupo/aula por visita

DATAS DE EXECUCIÓN: de novembro a maio

DURACIÓN: Dúas horas e 45 minutos aproximadamente dende a recollida no centro ata a chegada de volta.

LUGAR DE REALIZACIÓN: Biblioteca Pública Municipal de Narón e Axencia de Lectura Municipal da Gándara.

NECESIDADES DE ORGANIZACIÓN:

Dentro do posible non se programarán máis de dúas visitas escolares na mesma semana.

Coa finalidade de interferir o menos posible no normal desenvolvemento do traballo e da rutina habitual da biblioteca, a hora de visita será preferentemente a primeira hora da mañá. O horario do cronograma é orientativo, sempre adaptable aos horarios de entrada de cada centro en concreto.





VISITA AO PAZO DA CULTURA

“ESPAZO VIVO”

CONTIDOS

Itinerario didáctico polas instalacións do Pazo da Cultura onde de xeito activo o alumnado poderá coñecer estas dependencias e algunas das súas actividades: visita ao obradoiro de instrumentos musicais, aula de danza con demostración, aula de música con actuación musical en directo, etc.

OBXECTIVOS

- ❖ Darlle a coñecer ao alumnado as dependencias do Padroado da Cultura e os servizos que ofrece á cidadanía.
- ❖ Achegar aos centros educativos o coñecemento do Concello e as súas instalacións

PERSOAS DESTINATARIAS : educación primaria e educación secundaria

Nº MÁXIMO DE PERSOAS PARTICIPANTES: un grupo/aula por visita

DATAS DE EXECUCIÓN: de novembro a xuño

DURACIÓN: 2 horas aproximadamente.

LUGAR DE REALIZACIÓN: dependencias do Pazo da Cultura



PLENOS ESCOLARES

CONTIDOS

“Plenos escolares” é unha actividade da Escola de Participación Cidadá de Narón, dirixida preferentemente ao alumnado de 3º e 4º da ESO do concello.

Con esta actividade, o alumnado vai ser parte dunha experiencia real de participación cidadá, indagando nas súas propias necesidades como mocidade do concello e elaborando propostas para dar resposta ás mesmas. Coñecerá de primeira man o seu municipio e a institución que o rexe, así como as vías para participar das súas decisións. Mellorará a súa capacidade de escucha activa, diálogo, creatividade e liderado, e seleccionará ás súas representantes en base a eses criterios.

De maneira transversal, traballaremos ademais valores como a igualdade de xénero, a xustiza social e a democracia.

A materia traballada está directamente conectada co temario de materias como Educación para a Cidadanía, Valores, Oratoria, Filosofía, achegando unha experiencia significativa dos contidos curriculares.

OBXECTIVOS

Os seus obxectivos son:

- ★ Promover entre a mocidade participante a reflexión colectiva e a análise da realidade local, facendo fincapé nas vías para a participación cidadá.
- ★ Favorecer o traslado de ideas e opinións significativas para a realidade das mozas e mozos ás persoas responsables políticas.

PERSOAS DESTINATARIAS: preferentemente 3º e 4º da ESO (en todo caso, os seus contidos e a súa metodoloxía permiten adaptala para o desenvolvemento con alumnado de 2º da ESO ou mesmo de 1º de bacharelato)

Nº MÁXIMO DE PERSOAS PARTICIPANTES: un grupo/aula por visita. O número ideal está entre 15 e 20 alumnas e alumnos)



DATAS DE EXECUCIÓN: de outubro a xuño. As sesións axendaranse en función do calendario escolar e o propio contexto, sendo de acordo entre a Escola de Participación, os centros educativos e o Concello.

DURACIÓN:

- * 1º sesión en aula (50') | A desenvolver en decembro de 2023.
- * 2º sesión en aula (100') | A desenvolver en xaneiro/febreiro de 2024.
- * 3º sesión (50') | Sesión co alumnado representante de cada centro educativo |
A desenvolver en febreiro/marzo.
- * Pleno Escolar (100'), na Casa consistorial | A desenvolver entre marzo/abril de 2024.

LUGAR DE REALIZACIÓN: Centros educativos e Casa consistorial de Narón.

Para saber máis, entra na nosa canle de Youtube @escolaparticipacionnaron e escuta en primeira persoa o que din as participantes, ou contacta coa Escola de Participación a través do número 603 86 54 13 ou en escolaparticipacion@naron.es.



VISITA AO CENTRO
SOCIOCOMUNITARIO
“MANUELA PÉREZ SEQUEIROS”

CONTIDOS

A actividade consistirá na convivencia e participación das actividades do centro sociocomunitario Manuela Pérez Sequeiros.

- Primeiro realizaremos unha visita guiada polas instalacións do centro sociocomunitario.
- Participaremos, en función do horario da visita, no taller de Enredamos, Musicoterapia ou Cancións de animación
- Despedida e acompañamento á saída do centro.

OBXECTIVOS

- Crear un espazo interxeracional de encontro.
- Fomentar a comunicación, respecto e aprendizaxe dos/as nenos/as a través da convivencia en distintas dinámicas con persoas maiores.
- Coñecer as instalacións do noso entorno, neste caso un centro sociocomunitario municipal.

PERSOAS DESTINATARIAS : alumnado de educación primaria

Nº MÁXIMO DE PERSOAS PARTICIPANTES: un grupo/aula por visita

DATAS DE EXECUCIÓN: de outubro a xuño

DURACIÓN: 1 hora

LUGAR DE REALIZACIÓN: Centro Sociocomunitario Manuela Pérez Sequeiros



VISITA Á LUDOTECA MUNICIPAL

CONTIDOS

Itinerario didáctico polas instalacións da ludoteca onde de xeito activo o alumnado poderá coñecer o material, actividades e obradoiros que ofrece o servizo.

Desenvolvemento:

9:15 Recollida do autobús no centro escolar.

9:30-9:45 Visita guiada polas instalacións da ludoteca. Unha educadora recibirá o grupo

de nenos e nenas e encargarase de amosarles a distribución dos xogos e xoguetes nos

diferentes espazos, a clasificación por idades de todo o material, as recomendacións para a súa utilización e as pautas para a participación nas actividades e obradoiros.

Ademais, o alumnado coñecerá cales son os obradoiros que se desenvolven regularmente e aqueles máis específicos que se levan a cabo para traballar unha temática de interese ou unha data sinalada.

9:45-10:30 Realización dun obradoiro de reciclaxe creativa no que o alumnado elaborará un sinxelo xogo ou xoguete utilizando materiais de refugallo.

10:30-11:00 Xogo libre. O grupo participante poderá facer uso dos xogos e xoguetes da

ludoteca seguindo dinámicas de xogos grupais e cooperativos.

11:00 Recollida do alumnado na ludoteca.

11:15 Chegada de volta ao centro escolar.



OBXECTIVOS

- * Darlle a coñecer ao alumnado a instalación da ludoteca e os servizos que ofrece á cidadanía.
- * Transmitirlle aos menores a importancia das actividades lúdicas para o desenvolvemento integral infantil co xogo como fíxio condutor.
- * Achegar aos centros educativos o coñecemento do Concello e as súas instalacións.

PERSOAS DESTINATARIAS: 1º e 3º de primaria

Nº MÁXIMO DE PERSOAS PARTICIPANTES: un grupo/aula por visita (un máximo de 30 alumnos/as por visita)

DATAS DE EXECUCIÓN: de outubro a xuño

DURACIÓN: 9:30 a 11:00 horas

LUGAR DE REALIZACIÓN: Ludoteca Municipal de Narón, R/Cardeal Cisneros N°2,
Baixo. Santa Icía, Narón.





VISITA AO CENTRO DE RECURSOS SOLIDARIOS

CONTIDOS

Visita ás instalacións do Centro de Recursos Solidarios onde de xeito activo o alumnado poderá coñecer estas dependencias e os traballos solidarios que alí se realizan. A visita inclúe a realización dun obradoiro de clasificación de roupa co alumnado.

OBXECTIVOS

- * Coñecer o funcionamento do centro de recursos solidarios e familiarizarse coas súas instalacións.
- * Achegar ao alumnado o coñecemento doutras realidades, fomentando a solidariedade e a cooperación.

PERSOAS DESTINATARIAS : alumnado de 5º, 6º de educación primaria e 1º de ESO

Nº MÁXIMO DE PERSOAS PARTICIPANTES: un grupo/aula por visita

DATAS DE EXECUCIÓN: outubro, novembro e de febreiro a maio

DURACIÓN: 1 hora e 30 minutos aproximadamente: de 10:00 a 11:30 horas

LUGAR DE REALIZACIÓN: centro de recursos solidarios

